



**Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 69. Vetera Monasteria restaurata, novaque erecta.

---

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

§. LXIX.

Sæcul. XVI.  
A.C. 1556.

Vetera Monasteria restaurata, nova-  
que erecta.

Totum hujus Anni millesimi quingen-  
tesimi quinquagesimi sexti residuum  
tempus in restaurandis veteribus An-  
gliae Monasteriis impendebatur; præ-  
primis enim Regina prope Brainfordiam  
Asceterium Sion pro Religiosis Virginib-  
us ex Ordine S. Birgittæ rursus erigi  
curabat; hoc enim Monasterium primum  
erat ex illis, quæ Henricus VIII. sup-  
primebat. Pariter eadem Regina Lon-  
dini Cœnobium pro Fratribus Prædica-  
toribus, aliud vero pro FF. Minoribus  
construi jussit, simulque Carthusiano-  
rum ædes Scheeni prope Richemun-  
diam urbem dotabat, ut hac liberalita-  
te gratum erga hos Religiosos ani-  
mum testaretur, eoquod hi pro Ma-  
tris suæ caufsa dire fuissent vexati. Post-  
modum Regina Decanatum, ac West-  
monasteriensem Ecclesiam Cathedram  
suppressit, ejusque loco Abbatiam ere-  
xit, quam Fecknamo S. Pauli Decano  
concesserat, in cuius possessionem ipse  
unacum quatuordecim Religiosis die vi-  
gesima prima Novembris ritu solemni  
inducebatur, Regina tamen jamjam die  
vigesima tertia Septembris Westmona-  
steriensibus Canonicis quasdam pensio-  
nes

**Sæcul. XVI.** nes numerari præceperat, donec illis alia ratione congrue provisum esset. Pariter Bonnero, & quibusdam aliis negotium dabat, ut cuncta contra Religiosos, & summum Pontificem regnante Henrico VIII. attentata ex publicis tabulis delerent, præcipue vero iidem omnes calumniis, ac incertis testimoniis scatentes relationes eorum, qui ad lustranda Monasteria deputabantur, supprimere jubebantur, prout etiam edicta, quibus Religiosi auctoritatem summi Pontificis ejurare jubebantur.

§. LXX.

*Hæretici, licet mortui, ad judicium vocati, atque exhumati.*

**Thuan. l. 17.** Eodem anno Buceri, & Fagii, qui non modo perniciosam in Regno doctrinam sparserant, sed etiam aliis a fide deficiendi exemplum dederant, corpora fuere exhumata: ut autem hac in re præscripta juris forma servaretur, porrecto libello, mortui primo, & altero edito citantur, simulque producuntur contra illos semel, atque iterum testes, cum autem nemo compareret, qui eorum defensionem suscipere auderet, tandem tanquam contumaces damnati sunt, dieque dicta coram Accademiæ ordinibus, postquam Cestrensis Episcopns oratione habita judicii severitatem excusabat, ac nullate-